



FRÆÐSLUEFNI

Barnadeild

Félagsráðgjöf til foreldra vegna skammvinnra veikinda eða slysa

Skyndileg skammvinn veikindi eða slys

Ef foreldrar eru óvinnufærir í minna en tvo mánuði vegna veikinda eða slyss hjá barni.

Veikindaréttur
hjá atvinnurekanda



Sjúkradagpeningar
vegna veikinda barns
hjá stéttarfélagi

Veikindaréttur hjá vinnuveitanda

Foreldrar geta átt rétt á launuðu leyfi vegna veikinda barna yngri en 13 ára. Foreldrar ávinna sér réttindi sem geta orðið mest 12 dagar á hverju 12 mánaða tímabili. Athugið veikindarétt hjá vinnuveitanda ykkar.

Veikindaréttur hjá stéttarfélagi

Ef veikindi barns varir lengur en 12 daga geta foreldrar átt rétt á sjúkradagpeningum úr sjúkrasjóði síns stéttarfélags. Athugið rétt ykkar hjá viðkomandi stéttarfélagi.

Fæðingarstyrkur stéttarfélaga

Sum stéttarfélög eru með fæðingarstyrki, eingreiðslu vegna fæðingar barns. Kannið rétt ykkar hjá viðkomandi stéttarfélagi.

Lenging fæðingarorlofs eða fæðingastyrks vegna veikinda barns

Foreldrar sem eru í fæðingarorlofi eða fá fæðingastyrk eiga möguleika á að fá fæðingarorlof framlengt ef barn dvelur lengur en sjö daga á barnadeild.

Sótt er um framlengingu á fæðingarorlofi vegna veikinda barns á

www.faedingarorlof.is

1. Læknir sendir vottorð til Fæðingarorlofssjóðs við útskrift barns eða þegar sértækri umönnun barns lýkur og sendir á Fæðingarorlofssjóð.
2. Foreldrar tilkynna vinnuveitenda og Fæðingarorlofssjóði hvernig þeir ætli að ráðstafa lengingunni með því að fylla út eyðublaðið: Tilkynning um tilhögun fæðingarorlofs sem hægt er að sækja á vef Fæðingarorlofssjóðs.

Réttindi foreldra sem eru í lánshæfu námi hjá Menntasjóði námsmanna

- Foreldrar í lánshæfu námi geta átt rétt á auknu svigrúmi í námi ef alvarleg veikindi barns kalla á innlögn á sjúkrahús eða sambærilega umönnun sem raskar verulega högum námsmannsins.
- Fylgigögn sem þurfa að berast: Framvísa þarf greinagóðu læknisvottorði um veikindi barns til Menntasjóðs námsmanna (www.lin.is).

Vátryggingafélög

Líf- og sjúkdómatryggingar, fjölskyldutryggingar, barnatryggingar eða slysatryggingar geta komið til móts við foreldra sem missa tekjur vegna veikinda barna. Athugið rétt ykkar hjá ykkar tryggingafélagi.

Ferðakostnaður vegna búsetu utan höfuðborgarsvæðisins

Hægt er að sækja um endurgreiðslur á ferðakostnaði til Sjúkratrygginga Íslands (SÍ) vegna innlagnar barns Barnaspítala Hringins ef það á lögheimili utan höfuðborgarsvæðisins. Samhliða er hægt að fá vikulegar ferðir milli heimilis og sjúkrahúss endurgreiddar.

Sótt er um ferðakostnað á www.sjukra.is

1. Læknir útbýr ferðavottorð.
2. Ritari á barnadeild staðfestir ferðir til læknis.
3. Foreldrar þurfa að skila inn staðfestingu á þessum ferðum ásamt kvittunum fyrir fargjaldi til umboðs SÍ hjá sýslumanni í sínu umdæmi. Ef fjarlægðin er meiri en svo að keyrt sé daglega á milli, endurgreiða SÍ 80% af kostnaði (með ákveðnu þaki) vegna gistingar í bænum meðan barn dvelur á spítalanum.

Gistikostnaður vegna búsetu utan höfuðborgarsvæðisins

Ef þörf er á gistingu á höfuðborgarsvæðinu er yfirleitt fyrst athugað með gistingu á Sjúkrahóтели Landspítala (www.landspitali.is). Læknir, hjúkrunarfræðingur eða ljósmóðir sendir beiðni fyrir dvöl þar.

Barnspítallinn á auk þess nokkrar íbúðir sem foreldrar geta leigt meðan barnið þeirra dvelur á spítalanum. Hægt er að sækja um íbúð með því að senda tölvupóst á: mottakabh@landspitali.is. Eftirfarandi upplýsingar þurfa að koma fram í tölvupóstinum: Nafn, kennitala, heimilisfang, símanúmer, nafn barns, kennitala barns, fjöldi fullorðinna, fjöldi barna, tímabil og hvort þörf sé fyrir lyftuhúsnæði.

Ef sjúkrahóтелиð eða íbúð Barnspítala Hringsins eru ekki tiltæk, geta foreldrar athugað hvort stéttarfélag þeirra eigi íbúð sem hægt er að leigja.

Athugið að sækja þarf um flest þau félagslegu réttindi sem nefnd hafa verið hér að framan

Styrktarfélag

Ráðlagt er að kynna sér stuðningsúrræði hjá styrktarfélagum t.d. Umhyggju eða Neistanum.

Félagsráðgjafar á Barnspítala Hringsins

Foreldrar geta óskað eftir tilvísun til félagsráðgjafa hjá lækni eða hjúkrunarfræðingi. Félagsráðgjafar á Barnspítala Hringsins styðja börn og fjölskyldur þeirra við að takast á við ýmsa erfiðleika vegna veikinda, álag sem getur fylgt veikindum og aðstæðum tengdum heilsufari. Þeir eru brú á milli spítalans og heimaumhverfis; fjölskyldulífs, heimilis og samfélags.

Frekari upplýsingar

Ef frekari upplýsinga er óskað hafið þá vinsamlegast samband við félagsráðgjafa á Barnspítala Hringsins: felagsradgjof.barnspitali@landspitali.is eða í síma 543 1000.